



17455

I

Mag. St. Dr.

P

Simundus

*Matthiae: Thrippa seu
lucus divini amoris, quem in vocatione
Sigismundi Niseczki exercuit.*

PANEG. et VITAE

Polon. 40

Nr. 005

Biblioteka Jagiellońska



stdr0000290

Π Α Ι Γ Μ Α

S E V

L V S V S

Diuini Amoris,

Quem in Vocatione

Generosi Domini

SIGISMUNDI NISCZYCKI,

Ad S. Ord. D. Benedicti Congregationis Clu-
niacens. in petra Tinecensi, Regiâ munificentia
erectum exercuit.

A

M. MATTHIA BYRSZOWIC, Philosophiae
Doctore, & Cont. Philos. Seniore

EXHIBITVS:

ANN O

QV o p la Vota sa C I t X r I s t o n l s C I C I V S heros
n petrae sa C rae Bene D I C t l se D e sa C rata.

IN ARMA

Illus Tris: ac Generos: DD. NISCZYCIorum'.



1745

CIRCVM magnanimus gestans in mtenibus altis
Ornat Nisczyadum nobile stemma Leo
Nil mirum: Patriæ, nam Fortes semper in istâ
Clarâ seruârunt Gente, perenne decus,

ILLVSTRI & GENEROSO DOMINO,
D. A D A M O
N I S C Z Y C K I,

S. R. M. Aulico:

Salutem & perennem felicitatem.

FELICEM lusum, quem in amplis si-
mo familiae vestrae amphiteatro, diuinus exercu-
cuit Amor, Illustri ac Generose Domine: sub claris si-
mi Nominis tui auspicijs, in scenam producere satago.
Perbellè namq; noui nec ullum spectatorem huic lusui, ma-
gis incundum lusum futurum, quàm tibi fratri dilectissimo
atq; amantissimo. Et licet antiquitus nobilissimæ Gentis
Vestra minimè mirandum fuerit hoc proscaenium: hac ta-
men tempestate nouum & admirabile iure meritò censi po-
tèst. Quanguam enim Maiorum nostrorum memoria
viderit Stanislaum, Dobieslaum, Franciscum, & alios

multos variorum Episcopatum Administratores zelosos Si-
mos, auitæ fidei amatores maximos, sacræ Religionis propu-
gnatores ardentissimos: nostra tamen ætas Christophorum,
Andream, Sigismundum atq; alios plurimos non nisi bellato-
res & milites suscepit ac suscepit. Unus Sigismundus Di-
uini Amoris ludo in auitum Maiorum suorum morem dedu-
ctus, cultui vacaturus diuino eam conscendit petram, quam
nulla mundi tempestates conuellerent, nulla aduersitatum
procellæ, labefactare, nulli spirituum infernalium turbines,
commouere possunt. Felicem profectò ludum quo duce, de-
uictum, nulli metus terrebunt, nullæ ægritudines excedent,
nullæ libidines cruciabunt, nullæ futiles latitiæ exultantes
languidis liquefacient voluptatibus. Hunc igitur Illus: &
Gen. D. ludum crassâ (quod aiunt) Minernâ producit tum
Illustr: nomine tuo exorno: satis rem successisse arbitra-
tus si beneuolo animi tui fauore meum hunc conatum succe-
ris. Vale. Dat: Crac: è Cont: Philosoph. 6. Calend:
April. M. DC. XXXIV.



P O Ë M A.

LVSVS perteneros, & vim cælestis Amoris,
Dicere fert animus: cæptis ô Spiritus alme
Aspirato meis, & pinguis verba Mineruæ
Pinguia, Diuini collustres lumine flatus.

Non mare, non terram, non vasti climata vasta
Orbis, adhuc viuo repleuit corpore Numen
Aeternum: solam cæli construxerat arcem
Empyreï, cætusq; noui splendore nouorum
Alituum, nitidas sedes ornauerat. Astris
Has velut auricomis, oculus quæ conspicit omnis,
Ac velut his Solem, superet qui lumine cuncta
Sydera, præposuit: sic illis omnibus vnus.
Dux datus, & Princeps, cunctis qui luce præiret.
Luciferi quare præclarum nomen adeptus.

Hæc ubi perfecit Verbum mirabile Patris
Immensi, solium scandens sublime quieuit.
Interea tumido malesuada Superbia prodit
Luciferi cerebro, Pauonum splendida plumis,
Turgida corda gerens, naso sublimius ora,
Vertice sublatis & cristis altius alto:
Dextrâ fert speculum reddens mendacia formæ,
Prodit: & aggreditur dictis à Luce ferente
Nomina luciferum. Quis flagito Lucifer alme,
Alter spectatur toto te pulchrior orbe?
Agmine quis tanto censetur dignior alter
Princeps? maioris quis maior, luminis Author
Alter dignatur? Tu solus lumine cunctos
Vincis, tu solus nitido splendore refulgens,
Collustras omnes: tu solus luce gubernas
Alituum cætus. Sed dictis fallere reris
Quenquam posse, fides oculis est danda coruscum
En præbet speculum dictis firmamina nostris.
Sic fatur: verbis mox Lucifer annuit altis,
Formiferum sumit speculum, formamq; tuetur,
Formam permagno certe splendore coruscam:
Aligerum cætum miratus conuocat omnem,

Conuo-

Conuocat: & Diuos tribui sibi mandat honores
Numinis æterni: sublimia dicta capessit
Pars oblita Dei, pars spreuit dicta superbi,
Ardentiq̃ue sui Zelo commota Satoris:
Horrida bella canit, sæuo flagransq̃ue furore,
Eligit è medio Michaëlem quo Duce pugnet,
Dux animos addit dictis, ac aggerat iras.

O Socij, Diuos hic vult elatus honores:
Quis Deus hic? qui de nihilo productus ab almo
Numine, Luciferi nomen de luce ferente
Sumpsit. Quis Deus hic? cui propria nulla potestas,
Summi qui regitur summâ virtute Tonantis.
Hœccine numen erit, quod nutu flectitur almo,
Alterius? cæli non multos Regia Diuos
Fert: Vnus Deus esto: Fidem nunc Me Duce vestrâ,
Diuinæ laudis monstretis, me Duce Zelum.

Sic fatus Michael speculâ signum dat ab altâ
Aere cauo, socij concurrunt, prælia tentant,
Arma sonant, Cælumq̃; crepat, ruit altus ab arcē
Luciper Empireâ, rutilantis fulguris instar:
Ac velut obscuris detrusi nubibus imbres
Funduntur, sic cum socijs cadit æctus Olympo,

Deformisquē petit deformia recta Barathri:
Imaque sic tenuit voluit qui primus haberi.
Horribilem postquam finiuit candida pugnam,
Aligerūm legio, Diuinis laudibus implet
Templa poli, Summoque Deo persoluit honorem
Summum, de spolijs ornans hostilibus arcus.
Hoc vbi conspexit Maiestas alma Tonantis
Talibus eloquijs victorum pectora mulcet.

Magna fides vestrum, permagnus zelus honoris
Nostri tutandi, grates deposcit habere,
Mercedemque sui præclari ritè laboris:
Ne dubitate datur, gratis sit gratia merces
Nunquam peccandi Victoribus esto. Creandus
In deserta nouus loca, nobis incola restat:
Diua mox Diui Verbi virtute repleuit,
Climata peruaſti lætis animantibus orbis,
Mortalis causâ: Mortalem denique formans
De luto, trinâ consignar imagine, trinus
Personis, vnus Deitate, decorat at vnâ
Formâ, quâ præeat cunctis animantibus vnus.
Pronaque cum spectent animalia cætera terram;
Os homini sublime dedit, cælumque tueri,

Vt sapiat

Vt sapiat cælum, brutis tellure relictâ.

Sic vbi munifici virtus Diuina Tonantis,
Finxit in effigiem Diuinam semine cretos
Humano; non mox sublimia culmina cæli
Scandere permisit, florentis sed prius horti
Peruigil vt fiat custos ac incola iussit:
Horti qui vario florum repletus odore,
Arbuteos fætus, iucundaq; fraga ferebat.
Ver vbi perpetuum, placidiq; tepentibus auris
Mulcebant Zephiri: natos sine semine fructus:
Plenaq; prædulcis stagnabant flumina lactis;
Dulcia de pulchro stillabant iliice mella;
Multifonis volucres recreabant cantibus aures
Cunctaq; perblando vocum parentia bruta.
Pignore mortali plaudebant. Omnia tuta,
Omnia terrigenûm cordi iucunda fuêrunt.
Horti sic positus custos Rectorq; Satoris
Mandato poruit cunctis de fructibus esse,
Arbore de solâ rectiq; maliq; tenente
Notitiam, vetitum, quin dirâ morte minatum
Ausuris: parente Dei sacra percipit aure
Iussa, capitq; nouos fructus ex arbore cunctâ,

Declinans vetitum rabido cane peius & angue.
Interea pænis cruciatus Luciper atris
Tartareæ Lethes, iras sub pectore clausas
Effundit, tubaque fratres mox conuocat omnes.
Talibus ac dictis venientes admonet. Eia
Nunc socij, si quæ vobis sapientia, Si quæ
Vis est fallendi, monstretis: Nunc mihi vestro
Est opus auxilio, menti succurite nostræ,
Consilio. Nitidi rutilantia culmina cæli
Laudibus assiduis orbata reliquimus omnes:
En modo plasmatus, qui nostras occupet altas
Sedes, & Magno laudum qui carmina fundat.
O Socij tantum dedecus patiemur inuri
Nobis! næ prohibete fratres, sit confrater imus,
Altus Successor nostrum qui debuit esse.
Est modus. Omnipotens fructus ex arbore cuncta,
Carpere præcepit, recti quæ continet omnem
Notitiam prauique vetans. Sic sumat oportet
Normam fallendi, quisquis vult fallere. Quisnam
Præmia laturus vestrum, mandata capeisset?
Vnus at è medio surgens, curamque fidemque
Promittit, Regemque nigri solatur Auerni.
Euolat

Euolat, ac puro sumens ex aëre corpus,
Serpentis stridore vafri quo mulceat aures,
Quoué magis lateat molli si serpat in herba.
Irrepens tandem Paradisi splendida pulchri
Ostia, perfulgens squammis spatiat, in horti
Conscendit medio lignum tectusque resedit.
Mox ubi formosam gradientem conspicit Euam,
Perblando stridore vocans persuadet ut altos
Decerpat vetitos fructus. Hæc abnuitt: ille
Luétanti suadet, demulcens ore diserto.

Quis vos non iussit suaues gustare sapes
Istius fructus? cui sacra scientia recti
Omnis inest prauique? Deus fors: at cupit ille
Ne sibi sit similis quisquam, gustato videbis
Teq; virumq; Deos omni sine morte futuros,
Omnisciosque. Vafri perblandis credula dictis,
Cunctaque præ nimio flagrans ardore sciendi
Femina, consentit: pulchri fructusque sapore
Percepto, tribuit gustandum stulta marito.
At prudens renuit pomum vir: chara fatigat
Vxor, nuncq; petit, nunc fletum fundit inanem.
Sicq; reluctanti mulier persuasit amata:

Nun.

Nunquid non dilecta viro persuadeat vxor.
Annuat Vxori danti, fructumq; receptum
Infelix comedit, magno spoliatus honore.
Nam consumptus vbi fuerat, mox culmine cæli
Empyreï summo cernens pulcherrima virgo :
Ancipitem gladium dextrâ, lancemq; sinistrâ,
Cui gestare datum, libratis lancibus æquas
Vt tribuat pœnas, & fontes cuspidē figat.
Hæc aio postquam cælis Astræa virago.
Peruigil aspexit : magnum venerata Tonantem,
Altas ex imò deprompsit pectore voces.

Omnipotens Rector, cæli terræque Monarcha,
Ante factorum non pœnitet? ædibus istis
Aligeros pepulit malesuada superbia : rursus
En homo Diuinâ præcelsus imagine vestrà,
Ausus de vetitâ decerptos arbore fructus
Sumere. Quid censetis an auctus imagine vestrà,
Noluit augeri Diua virtute superbus?
Lucifer eiectus cæli de vertice summo,
Quid ni Mortalis manet eiiciendus ab horto?
Ne transire Deus culpam patiaris inultam,
Zelosum vestri Cherubin mittatis honoris,

Ex hor-

Ex horto facinus tantum depellat amæno
Ausos in terram, tribulos quæ gignat acutos
Et steriles spinas, vescatur pane laboris.
At DEVS vt facinus nouit patrassè nefandum,
Diētis iustitiæ Magnus Rex annuit æquis:
Demittit Cherubin, Mortales pellere mandat.
Mandat: & occlusas seruare fores, vt abacto
Spes vltra non sit tangendi limina clausa.
Sic Paradisiacis Exul Mortalis ab hortis
Errans, ignotæ spatiosa per æquora terre,
Multa tulit, fecitq; miser sudauit, & alsit:
Iam malè suada fames, iam morbus, vulnera, cædes,
Iam mala pauperies, horror, iam turpis egestas,
Iam frigus, nimbus, iam mortis tristis imago.
Singula quid memorē? cunctorū summa malorū
Tristia continuo vexabant lumina pulsi,
Hortus pergratus quorum nec somnia finxit.
Nec primi saltem delicto pæna parentis
Indita, sed cunctis illius semine posthac
Gignendis; gustus quin omnes huius amari
Reliquias, hucusque satis sentimus amaras.
Insidias mundi fallacis nullus iniquas

Effugit, & tacitas euitat nemo nefandæ
Carnis blanditias, vafri technisq̃ue dolisq̃ue
Nec quifquam fefe subducit Dæmonis atri
Ni fit præfidio de celsi culmine celſo
Cæli miſſus Amor, doceatq̃ue reſiſtere cunctis,
Res magis exemplo fiet manifeſta recenti.

Prodiit æthereas primæque lucis in auras,
Niſczyciæ Gentis claro de ſanguine natus,
Sismundi nomen cui impoſuere Parentes.
Hic ætatis vbi pueriles attigit annos,
Continuò Stygij ſæuus Dominator Auerni,
Incipit inſidias ſtruere, & molirier aſtus,
Vnum de medio ſociorum mandat adeſſe,
Quem iubet, vt vaſti confinia protinus orbis
Inuiſat, Natiq̃ue recens ſublimia tecta
Niſczychi ſubiens, prognatum fallat, & arte
Subtili, doceat Diuinum linquere cultum.

Euolat actutum, volucrique citatior Euro,
Fertur in ærei vernantia climata mundi.
Mox vbi propoſitam metam proſpexit ab alto,
Miratur molem, ſplendorem ſpectat, & aule
Quis modus, obtutu veſtigat rite ſagaci.

Ingredi-

Ingreditur tandem, magnique palatia magna
Perlustrans, Nati sinuoso tramite tecti
Limen adit; quæritq; modos, & tempora spectat,
Expediat diri Lethes vt iussa Tyranni.
Ast vbi firmari teneros virtutibus annos
Aduertit, metuens imbuta recens, ne seruet odorẽ
Casta diu suauem mens: blandâ fallere voce
Conatur, dulciq; regens sub melle venenum,
Talibus aggreditur iuuenilia pectora dictis.

O formose puer Generosi magna Parentis
Spes magnum Patriæ fulcrum, gentisque vetustę
Magnum solamen: quis tantos ferre labores,
Iussit in ætatis te blando flore tenellę?
Quis docuit mentes abiectas esse gerendas,
Diuitijs amplis, generisque propagine claro?
Quis ué diuturnas, orandum suasit in horas?
Ne formose puer credas suasoribus istis,
Altos alta decent, claro de semine natos
Clara: viget rebus præclarè Gloria gestis.
Nunc ætate tua, grato nunc vtere mundo,
Vtere nunc; festinat enim decurrere velox
Flos hic, angustę miseræque breuissima vitę

Pars est, & fugitiua cito pede labitur ætas.
Otia conueniunt iuueni, ludique, iocique,
Spiritus elatus, saltus, conuiuia, luxus;
Pondera magna viris tribuenda: senili
Ast ætate preces humilisq; modestia fessis.
Quid renuis? niuæ si te præstantia formæ
Non mouet, aut diues variarum copia rerum:
Ipsum te moueat Sismundi nomen adeptum.
Es mundi, mundum cur ergo spernis amænum?
Magnificas cur temnis opes donaria mundi?
Lætus agas iuuenes annos, lætusque fruaris
Cunctis, que Natura dedit, Mundusque benignus.
Postquam conticuit dictisque silentia fecit:
Attonitus iuuenis verbis, & voce diserta,
Cereus in persuasa ruit, præceptaq; captat,
Hæc ubi multipotens Diuini zelus Amoris,
Excelsa nitidi cæli prospexit ab arce,
Risit & abstruso meditatur pectore verba
Talia. Non iuuenis non te tua praua voluntas
Diriget, experire meos lususq; iocosque.
Dixit: & accipiens gemmis aut oq; pharetras
Fulgentes, arcum telis flagrantibus armat.

Tandem

Tandem fidereis, velocis fulguris instar,
Labitur in nostras oras, & gressibus intrat
Occultis, iuuenis splendentia tecta: videt quæ
Nunc hilares ludos, nunc ornamenta superba
Poscere persuasum, tumido nunc pectora fastu
Ferri, nunc mensæ conuiuia lauta parari.
Obstupet ac arcu tenso spiculaque retorto,
Intima languenti præcordia vulnere stringit
Protinus immixtis perstrictus ab ignibus ardet,
Ardet: & ignarus quæ tanti causa doloris.
Anxia corda gerit, varium quæritq; leuamen,
Querit Tantaleo sitibundus more liquores.
Nunc flet: nunc tristatur: auct nunc tristia cantu,
Corda leuare: tamen reperit solatia nulla.
Expers consilij, Diuinum Numen adorat,
Et precibus poscit, cordi solamina tristi.
Diuus Amor precibus commotus pectoris ima
Lenijt afflictæ & tacitas dedit ore loquelas:

Quis dolor ô iuuenis tanto præcordia torquet
Vulnere? qui gemitus? vel quæ suspiria cordis?
Hæc sunt? num tua te niue præstantia forme?
Non consolatur? num magni splendor honoris?

Vel census ampli: vel tempora grata tenelle
Aetatis: tristes non pellunt pectore curas?
Dixit: & actutum superas remeare per auras
In nitidi sedes excelsas tentat Olympi.
Ast iuuenis pueri recreatus lumine grato,
Et dictis, tali fugientem detinet ore:
O quem te memorem? vel quo te nomine vocem,
Ingenio formaque puer praestans? tibi namq;
Non est mortalis vultus, nec splendida terram
Lumina designant, nec vox hominem sonat: vnus
E socijs certè coelestis es incola sedis.
Sis felix nostrumque leues quicunq; dolorem.
Tunc Puer armipotens nostræ non est opis inquit
Tristia languentis depellere vulnera cordis
At iuuenis prænsum retinet precibusque fatigat:
O puer? ô Diuine puer? tua spicula sentit
Absentis, Cor, praesentis sentitq; medelam,
Ne patiare precor tenerum cor amplius angi.
Abnuït almus Amor fundentis vota precesq;
Et simulans longam restare viam sibi: multo
Maiores cordi languores indit. Abire
Permittit iuuenis nullà ratione volentem.

Taliter

Taliter ast rursus supplex humilisq; precatur,
Oh Puer? oh Diuine Puer? cur vulnere tanto.
Saucia languentis reddis præcordia mentis?
Intima cur cordis niueo splendore flagrantis
Non lustras radij? cur ludis imagine falsâ
Dic age: dic quæ poscis Amor: ne desere feruum,
Dic: parente tuos sermones corde recondo,
Tunc Amor augustus roseo sic ore profatur.
O iuuenis facili siquidem mea pectore verba,
Excipis? afflicti cordis reuelabo dolores,
Et narrabo modum, quo lætus tempora ducas,
Læta, tuos vite sensus dum diriget artus.
Quisquis in orbe cupit vitam traducere plenam
Lætitiâ, tristes depellat corde necesse,
Fallacis mundi curas ac omnia spernat.
Nam quantò maius studium succrescit habendi
Tantò maiores crescunt in mente dolores,
Ac velut infelix, viuo sub pectore, pascit
Carniuorâ volucrē, lachrymoso corde Prometheus:
Assiduas curas, sic continet ardor habendi.
Soluti lætitiâ plenos solusque beatos
Contemptus mundi reddit, si credere non fas

Exem-

Exemplum clarum mage rem dictumq; probabit
Me duce si limenque meum tectumq; reuises
Est prope sublimis celeberrima mænia Craci
Exornata sacro Benedicti nomine Diui
Petra Tineccensis, cuius grex incola Sanctus
Est pietatis amans, fidei sectator auite
Religione sacer dictis factisque beatus
Diuus Amor iuuenem postquam deduxit amænè
Ad dictam petram: mea sunt hic limina dicit
Specta num tristes vultus? num tristia quisquam
Corda gerit cætus existius agmine sancto?
Num cuncti lætos non promunt pectore cantus
Diuinę laudis peragendo tempora læta.
Si mens ergo tibi lætam traducere vitam
Est: istas spretis mundanis incole sedes
Quouè magis fias à mundo tutus, & omen
Et nomen mundi fallentis respue nec iam
Sismundi claro tumefactus nomine, mundi
Sis, sed Melliti sumas prædulce vocamen
Cuius sæpè memor Diuinę candida laudis
Promas, & sanctę virtutis, mella Tonanti
Annuat augusti, dictis persuasus Amoris

Excel-

Excelsum nomenq; simul cum gente relinquit,
Atq; sacro Diti BENEDICTI stemmate latus.
Perram conscendit cæli terræque Monarche,
Cordis ubi reddat solennia Vota flagrantis.
Overè petram mellito flore beatam,
Et florem natum petrâ, verèque beatos
LVSVS PERTENEROS & VIM CÆLE-
STIS AMORIS.



D

Vota

Vota mea Domino reddam
coram omni populo.

Psal: 115.

HOstis, Monarchæ stelligeri poli
Terræque, frustra turbinis impetus
Molliris, ex vndis coortos

Tartareis stigij barathri.

Non me superbis ludet honoribus
Fortuna demens: non, licet aureos
Demittat imbres, ipse faller,

Rex hominumq; Deumque Stator.

Non concitabunt suavia pocula
Dulcis Lyæi: non Paphiæ tener
Exuret ignis, corda firmo

Claustra timore Dei sacrato.

Summi Tonantis summa palatia
In corde fient: blanditiæ procul,
Vatri procul peruersa mundi

Pignora sint. Mea vota reddo,

Reddan-

Reddamque semper pectore candido
Regi supremo, qui residens polo,
Gubernat orbem, & cuncta, mundi
Splendida quæ retinet corona.

C R A C O V I Æ.

In Officina Matthiæ Andreouienſis,
Anno Domini, 1634.

Erratum in Præfatione.

nec vllum spectatorem huic lusui magis optatum, nec
spectatorum cuiquam magis iucundum.



